

آبونه شرائطی

ممالك عثمانیه ده سنه لکی (۶۵) ، التي
آیلغی (۳۵) غروشدیر .
ممالك اجنبیه ده سنه لکی (۱۷) ، التي
آیلغی (۹) فر تقدیر .

اداره خانه

باب عالی جاده سنده ورخان بلك خاتنده
نومرو ۲۳—۲۶

اخطارات

آبونه بدلی پیشینر .

§

مسلكه موافق آثار مع الممنونیه قبول
اولنور . درج ایدیجه یین یازیلر
اعاده اولوغار .

الکشاف

سر ۱۳۳۰

اخطارات

رساله مزدن آلدیغی کون-ترملك شرطیه
بتون ، زیلر هر هانکی برغزته طرفندن
اقتباس اولونه ییدیر .

§

مکتوبلرک ، امضالرک واضح و
اوموناقلی اولمسی و آبونه سره
نومروسنی محتوی بولونمسی لازمدیر .

§

ممالك اجنبیه ایچون آبونه اولانلرک
آدرس لرینک فرانسز سوده یارلمسی
رجا اولنور .

§

اون آبونه قید ایدن ذاته بر آبونه
مجاناً تقدیم اولنور .

اتبعون اهدکم سبیل الرشاد

دینی ، علمی ، ادبی ، سیاسی هفته لک مجموعه اسلامیه در

والله یهدی من یشاء الی صراط مستقیم

صاحب و مدیر مسئول : ح . اشرف ادیب

جلد ۲ — ۹

۱۴ ربیع الاول ۱۳۳۱ پنجشنبه ۷ شباط ۱۳۲۸

عدد ۵۰ — ۲۳۲

آرتیق نفاقلری، شقاقلری کومهلم . اسکی یاره لری بردها دشمه یهلم .
اورتدیکنز مزارلری تکرار اشمیهلم . استقبالدن قطع امید ایتیهلم .
مایوس اولمایهلم . زیرا یأس حرامدر؛ زیرا یأس اک بویوک اولومدر .
اللهم انصر الاسلام والمسلمین ، اللهم انصر الاسلام والمسلمین ،
اللهم انصر الاسلام والمسلمین ، اللهم فرق جمع الکافرین ، ربنا آتنا
فی الدنیا حسنة وفي الآخرة حسنة وقنا عذاب النار .

بِسْمِ اللَّهِ الرَّحْمَنِ الرَّحِيمِ

«ظهر الفساد في البر والبحر بما كسبت ايدي الناس
ليذيقهم بعض الذي عملوا لعلهم يرجعون»

مال مکیبی

انسانلرک ، کندی . نوز اللریله یایدققلری فناقلر یوزندن قارالرده ،
دکزلرده فساد ظاهر اولدی ، قهر و جلال صاحبی اولان الله تعالی
اونلرک سعادت حیالری بو صورتله افساد ایتدی . تا که جزای
عمللرندن بعضیسنی طاسیدار ؛ بلکه عصیانلریسه ندامت ، اللهم بارکاه
رحمت ومغفرته دخالت ایدرلر .

..

ازمنه وامکنه نیک تاثیراتندن شانی منزه ومتعالی اولان حضرت قرآن
حکیم ، جهان توحیدک اوازی و ابدی قانونی باق نه دیور ؟ اسلامیتله
او حقیقی انسانیت ومدنیتله فخر ایدن هر عقل سایی صاحبی بدبخت
وطن خلافتی ، بلکه بوتون عالم اسلامی قاپلایان آتش فنه و فساد
ایچنده چایر چایر یانارکن کتاب اللهی آچوبده شوآیه جلیله یی درین
بر امعان نظرله اوقوینجه نه دیر ؟ صانکه شمدی جلالت بخش نزول
اولمش صانیده قارشیدنده تیر تیر تیردر .

أوت ، أوت ! شمدی مهابت بخش نزول اولدی . ایشته سکا
خطاب ، ایشته سکا توجیه عتاب ایدیور . عقلک و ارسه دیکله ! فکرك
وارسه دوشون ! روحک و ارسه تیردر ! لسان حقیقت . (فساد)
نظم کریمنی قحط وغلا ایله ، وبا وطاعون ایله ، مهادی حریق ایله ،
زلزله ایله ، اعدای دین و وطنک غلبه واستیلاسی ، قتل عامی ، نسوانک
ناموس وعصمتی پامال اولونمسیله تفسیر ایدیور . ایشته یانغینلر مهادی !
ایشته زلزله لر متوالی ! ایشته طرابلس غرب کبی قوجه بر
وطن اسلام الدن کیتدی ! ایشته روم ایلی کبی کشورلر ، حکومتلر
وجوده کتیره جک قدر بویوک بر ملک اسلام ، اعدانک پای استیلاسی
آلتشده ایکلیور ، ناموس اسلام تاجان اوندن خنجر ظلم ایله
وورولمش ، سینه سندن قانلر فیشقیوریور . مخدراتمرك ، بیکلرجه
زوجهرلیمرك ، قیزلیمرك ، کلنلریمرك نقاب عفت وعصمتلری قانلر
ایچنده یوزیور . کندیلری ناصیه فلا کتلیرینه باصیلان صلیب تمغاسیله
جبراً وقهراً سوروکلنرک کلیسالر کونوریلدیور . اصنامه سجده

امینم که قورتوله جغز ، یوقسه قورتولمق امکائی یوق .
أوت ، دین ده معارفله قائم ، دنیاده . دنیانک معارفله قائم اولدینی
اکلاشیر . فقط دین نصل معارفله قائم اوله یلیر ؟ اوده یک طیبی .
چونکه انسانیت طورمایور . کوندن کونه تمالی ایدوب کیدیور .
حتی مسلمانلقدن اول برچوقادیان واردی . بوکون اونلرمنسوخدر .
فقط نازل اولدققلری زمان اووقتیکی انسانلر ایچون کافی ایدی .
صوکرا ادوار دیکشیدی . انسانلر ترقی ایتدی اونک ایچون هر دین
یرنی کندیسندن دهامکمل بر دینه براقیدی ، چکیلیدی . تامسلمانلغه
قدر حال بویله ایدی . مسلمانلق خاتم الادیاندر . بوندن صوکره بر
دین النبی دهاکلیه جکدر .

یک اعلا ! نصل اولورده مسلمانلق قیامته قدر کلوب کیده جک
انسانلرک احتیاجنه کافی کله بیله جک ؟ البت . چونکه کتاب اللهک ،
احادیث رسول اللهک ایچنده هر دورده یاشایه جق انسانلرک احتیاجنی
تأمینه کافی حقایق وار . یالکز او حقیقتلر علمله میدانه چیقار .
قرآن آیه الله دکلی ؟ ارض ، سماء بر آیه الله در . بزم کبی
اقوام ابتدایه طورباقدن ساده کین آلیر ؛ بر آزدها غیرت ایدرسه
صو چقاریر . اقوام متمدنه یسه معدن چیقاریر . بز صودن یالکز
دکرم یایورز . اونلر الکتریق استحصال ایدیور . بز بولوطدن
یاغور طوپلایورز ؛ اونلر ییلدیریم بیله اولیور !

مادیات بویله اولدینی کبی مغویات ده بویله . مترقی ملتلر نصل بو عالم
خلقتده بزدن چوق ، هم قیاس قبول ایتیه جک قدر چوق مستفید
اولیورلرسه عالم بر جاعت اسلامیهده کتاب اللهدن ، احادیث نبویهدن
شمدیکی جاهل مسلمانلره نسبتله ناتهای حقائق چیقاره یلیر . یوقسه
وقتیله ایجابی قدر تفسیر یازیش ، الیورر دییه میه جکیز . اسلاف
چالیشمشر ، الله کندینرندن راضی اولسون ، بر چوق آثار وجوده
کتیرمشر ، فقط دییمه مشرکه : بو آثارمن الی یوم القیام سزه الیورر .
سز آرتیق چالیشماییک ده یالکز بزم کتابلری اوقوییکیز .

بالعکس دیمشرکه : سزده چالیشه جقسکیز . هم بونلری اوقویه
جقسکیز ، هم ده کندی فکرکزی علاوه ایدرک زمانکیزه کوره
یکی یکی اثرلر وجوده کتیره جقسکیز . بویله بویله صوکنه قدر
کیده جک .

خلق خیرینی ، شرینی بیلدیور . چونکه بوسبوتون جاهل .
بز اوقور بازار طبقه ده زوالیلری بوسبوتون معکوس بوللره سوق
ایدوب طور یورز ! درت سنه در آیاقلانان ، نهایت باشمزه بوفلاکتی
کتیرن اقوامک سبب عصیانی نه ایدی ؟

هپ جهالتلری ! قیشقیرتدیلر . اونلرده نه یاپسون ، حقیقت حالی
فرق ایدمه دکلری ایچون ، هر فساد قاپلیدیور . ایشته ارناوودلر !
باقیکیز نه حاله کلیدیور ! بزیده نه حاله کتیریدیور ! بوده یک طبعی در .
بویله کیدرسهک العیاذ بالله اقوام سائرده عینی حاله کله جک . هر کس
فلاکتی کورسون ، عاقبتی دوشونسونده اوکا کوره چالیشون .

تصویری مبدأ اصلیتی اولان عقلدن اقتباس ایتمک دیمکدر . چونکه اونک فی الاصل مسلمان اولیشی ، ایمان ایتمهسی ذاتاً استدلال عقلی نتیجهسی ایدی . هر مسلمان وجودینه ایمان ایتدیکی ذات اجل واعلانک علیم اولدیغی ، خالق کائنات اولمق طولانیسیله فطرت بشریهنک کافه سرائرینه مطلع اولدیغی ، غایات کالیهسنه وصوله مدار اولاجق تربیه ارادهنک کیفیتده کنديسندن زیاده مطلع اولدیغی ، غنی عن العالمین اولمق حسیله اوامرینک دائماً خیر ، نواهیسنک دائماً شره متعلق اولدیغی بیلور .

ایش بونکلهده قالمور . طرف شارعدن تبایغ اولنان بو اوامر ونواهینک فوائد و مضراتی ده تعداد ایدیلهرک غایه کاله کیست وصول حقنده . اکثر ایشاحات و اشارات ایله شهره قویم ایتداسی تنویر ایدیلور . تعبی دیکره شریعت مطهره تکلیفاتی سرد ایدرک او تکلیفاته انقیادده کی سعادت محضه ادله و راهینتی ده برلکده سرد ایتمکدن ، یعنی عقلک دلالتی استعمالدن خالی قالمور . مسلم مکلف دائماً واجباتک و سائل خیر ، محظوراتک ایسه و سائل شر اولدیغنه عقلاً قناعت ایدور . مادامکه انسانه نور عقلی و یرن ، خیر و شر ، سعادت و شقاوت ، حق و باطل ، وظیفه کی مبادی اول ایله عقلی تجهیز ایدن ذات باریدر . ینه او ذات بارینک بعض اوامر ونواهی ایله واجبات انسانیه نک تفصیاتی کمال لطف و کرمندن بیلدیرمهسی ، عقلک خدمت ارشاده سنی تسهیل ایتمهسی نهدن عقلی حائز اولدیغی پایه اعتلادن تنزیل ایتسون ؟ بوقیلدن براعتراضک وجه ورودینی تعینده انسان شبهه سز مشکل بر موقعه قایلر .

دین اسلامده واقعا غایه اخلاقینک ، تعبی دیکره قانون اخلاقینک ، بدرقه سعادت اوله حق قاعده کایه نک ، نقصان و استنجا قبول ایتزکلی و ضروری بر قانونک منشأی وحی منزلدر . فقط بونک بویه اولماسی « الحکمة ضالة المؤمن اخذها این وجدها = حکمت مؤنک غائب اولمش مالیدر . آتی نروده بولسه آلیر . » حدیث شریفده کی ارشاد علوی به تبعاً قانتک عموماً قبول اولونان : « اوله حرکت ایت که اراده کک تابع اولدیغی قاعده کایه یعنی اطاعت ایتدیکک قانون بر قانون کلی مبدئی صورتنده اولسون ، قاعده مشهوره سنی قبول ایتمه سزه هیچده مانع دکدر . مانع اولمق شویا طورسون ، بزم تابع اولدیغمز قانون اخلاقی ده ذاتاً بوندن عبارتدر دینه بیلیرز . واجبات اخلاقیه مزک فقرات و تطبیقاتنه دائر اولان جزئیات اوامر ونواهی بی بر طرفه برافه رق نصوص شرعیه دن اصل قانون کلی بی تحریر ایدرسه ک بوقانونک طرف شارعدن عقول ناسه ده قولای نفوذ ایدیه بیله جک بر طرز اکمله افاده ایدلیدیکی کورورز . بر حدیث شریفده : « البر ما اطمأن الیه القلب وان افنوک وان افنوک = بر ، یعنی ایملک ، قلبک مطمئن اولدیغی شیدر . سکا فتوی ویرسه لرده خلافته آلدیرمه ، تکرار ایدرم که سکا فتوی ویرسه لرده خلافته آلدیرمه . » بویوریلور . معلومدر که بر عقلک خیر اولدیغنه قلبک مطمئن اولماسی هر حالده عقلک دلالته ، نور ارشاده

ایتدیریلور . ایشته آیت کریمه ! ایشته بو مظلوم قانلردن وجوده کلن دکزلر . ایشته بدبخت وطن اسلامی قاپلایان جهنمی طوفان فسادلر ! بونلرک هپسی مساوی افعال و اعمالنرک جزای دنیویسیدر . بو ، برخزی الهیدر . بونک برده عذاب اخریسی وار . جناب حق ظلمدن ، ظلمک ذره سندن منز و میرادر . بزه بر قانون انسانیت ، بر دستور اخوت و مدنیت احسان بویورمش ، بوکا اقتدا ایدن لاجرم منهاج سلامت و سبیل الرشاد سعادتته اهتدا ایدر . بوندن یوز چویرن ده اشته بزم کی بویه لرله ایچنده باتار ! یانغینلر ایچنده یانوب خاکستره دور . دشمن قلنجیله پارچه لانیلر ، قانندن بحر احمر لر ایجاد ایدر .

سبحان الله ! دشمنلریز آراسنده بعض علوروح و وجدان اصحابی بزه آچیلور ، ظالملریزه لغت خوان اولیورده بزکندی حیات دینه مزه کندی ناموس استقلالمره قارشلی لاقیدالغیزی محافظه ده دوام ایدوب کیدیورز . نرویه ؟ مقبره عدمه ! مزار انقراضه ! درک ! قل ذلت و اسارت ! ینه اوسفا هت ! ینه اور ذالت ! ینه او اخلاق سزلق ! یکدیگریمزه قارشلی ذره قدر شفقت و مرحمتیزوق . بر بریمزک کوزنی چیقارمغه ، جانی آلمغه چالیشیورز ! طقی اندلس ! عینی غرماطه ! ایشته بو آیت جلیله اولنرده عتاب ایدیور . حقه رجوعی توصیه ایلوردی . فقط دیکله مدیلر . نهایت محو اولدیلر کیتدیلر . فردی یکدیگرینی سهومه یین ، بر برینه آچیلان ، انسانیتلری ترذیل ، حیاتلری تحقیر ایدن بر ماته جناب حق نصل مرحمت ایدر ؟ « من لم یرحم لم یرحم = آچیلان آچینماز ، حدیث شریف . » ای اسلامیت دعواسنده بولونان زواللی ! بونجه فلاکتلردن عبرت آلوب ده آرزغینلرک ، شیار بقاقلریکه ندامت ، اللهم بارکاه عقو و مرحمتته دخالت ایدر میسک ، یوقسه بومصائب سکا آزکلدی ده دهاسیمی ایسترسک ؟ هنوز رجوع امکانی وارکن بو فرصتی اولسون قاجیر مازسه ک ینه عقلایق ایتمش اولورسک . باقی ! ینه سن بیلیرسک . جناب اللهم قهر و جلالی آرزغینلرکده اصرار ایدن انسان شیطانلرینه شهاب ناقبلرده یاغدیور . دنیاه کلمشه دوندیر .

محمد فخر الدین

فلسفه

اخلاق اسلامیة نک اساسلری

۹

بو مقدماتی سردایتمکدن مقصد من مسلمانلرجه وظیفه اخلاقیه نک استه دکاهی وحی اولقله ماهیت عقلیه سندن بر شی غائب ایتدیکنی آکلامقدیر . اوت ، بزه واجبات اخلاقیه نک منبئی دیندر ، وحیدر . مفردات و وظائفه تعلق ایدن اوامر ونواهی تعداد ایدیله میه جک قدر چوقدر . فقط بر مسلمان کوره ظاهر حالده کنندن خارج بر منبعدن صادر اولان بو اوامر ونواهی به متابعت ایتک حقیقتده ینه وظیفه